

## Mýrar

Þorleifur Jóhannesson skráði.

Bærinn stendur vestan við botn Hálsvaðals, undir háu klettafjalli, sem **Mýrahyrna** (1) heitir.

Vestan við bæinn rennur lækur, sem heitir **Bæjarlækur** (2). Fyrir vestan lækinn beint vestur af bænum er hóll, sem **Gamligarður** (3) er kallaður, hefur þar verið heygarður áður. Norðvestur frá hólnum eru mýrarhallar, sem eru kallaðir **Skildir** (4), eru þeir báðum megin Bæjarlæksins. Í suður frá Gamlagarði, en talsvert ofar er mishæð, stendur þar nú heyhlaða. Áður en hún var byggð var mishæð þessi kölluð **Kvíaból** (5). Fyrir austan bæinn er kallað **Inntún** (6)

Norður frá bænum gengur breiður tangi út í vaðalinn, er fjárrétt eða fjárbyrgi á honum, tangi þessi er kallaður **Byrgistangi** (7); fyrir austan hann eru tveir smátangar, sem ekki hafa sérsök nöfn. Fjórði tanginn heitir **Merkjatangi** (8), upp frá honum eru tveir stórir steinar. Fyrir austan tangann fellur lækur í vaðalinn, sem **Merkjalækur** (9) heitir, kemur hann ofan úr Mýrarhyrnu og fellur eftir gili, sem **Svartagil** (10) heitir. Fyrir neðan efstu klettana í hyrnunni eru grasgeirar, sem heita **Flár** (11). Fyrir neðan þá er standberg, í því miðju er grastó, sem heitir **Bekrablettur** (12). Vestur af blettinum eru klettagirðingar, er **Sauðagirðingar** (13) heita. Niður af standberginu er breiður girðingur, er liggur vestur eftir, girðingur þessi heitir **Mýrató** (14). Þar fyrir neðan er stallur, sem **Kúastallur** (15) heitir. Vestur af Kúastöllum eru girðingar, sem **Strípagirðingur** (16) heitir, nær hann vestur á **Hyrnurönd** (17). Á Röndinni er hár klettastrípur, sem **Kerling** (18) heitir. Inn af Röndinni, neðarlega í hlíðinni, eru bungur, sem kallaðar eru **Urðir** (19). Frá hlíðinni og niður að vaðlinum eru kallaðar **Mýrar** (20). Fyrir utan Röndina (Hyrnuröndina) fellur niður lækur, sem heitir **Deildarlækur** (21). Austan við lækinn, neðarlega, eru holt, sem **Grásteinsholt** (22) heita. Fyrir austan Hólalæk er holtafláki, sem

**Sigmundarholt** (23) heita, eftir þeim er farið, þegar fallinn er sjór í vaðlana, Hálsvaðal og Lárvaðal; í holtunum sést fyrir gömlum ruddum vegi.

Í hlíðinni, fyrir vestan Merkjälæk, er hvammur, sem heitir **Merkjahvammur** (24).

Hér um bil miðja vegu á milli Grásteinsholta og túnsins gengur austur í vaðalinn nes allbreitt og langt, heitir **Langanes** (25).

Dagsmörk á Mýrum eru þessi: Miður morgunn er á syðri rönd Kirkjufells, dagmál á Grundarmön, hádegi er í skarði, sem er fyrir austan Rauðukúlu í háfjalli nón á Nónsteini, miðaftan á Böðvarskúlu og náttmál á Lárholtum.

## Stafrófsskrá örnefna

Bekrablettur 12  
Byrgistangi 7  
Bæjarlækur 2  
Deildarlækur 21  
Flár 11  
Gamligarður 3  
Grásteinsholt 22  
Hyrnurönd 17  
Inntún 6  
Kerling 18  
Kúastallur 15  
Kvíaból 5  
Langanes 25  
Merkjahvammur 24  
Merkjalækur 9  
Merkjatangi 8  
Mýrahyrna 1  
Mýrar 20  
Mýrató 14  
Sauðagirðingar 13  
Sigmundarholt 23  
Skildir 4  
Strípagirðingur 16  
Svartagil 10  
Urðir 19